



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Quomodo distractiones sint rejiciendæ

[urn:nbn:de:hbz:466:1-46004](#)

Quomodo distractiones nos occidunt ac decipient.

Quoad modum, quo nos infestant, experientia docet, ab iis ex improviso nos occupari, & sensim à nostro proposito divertiri. Quandoque advertenter illis cedimus, et si quasi inviti ob nimiam illarum importunitatem. Quandoque verò magna ex parte nostra intercedit ignavia, quæ facit, ut illis locum demus, id quod non potest fieri sine peccato veniali plus aut minus notabili: Verùm necessariò advertendum est, una ex parte interiorē recollectionem esse rem adeo teneram, ut nisi nobis probè propiciamus, minimā re turbari possit; ex alia parte, si quando incautè alicui distractionum occasione locum dedimus, fideliter valde eis resistendum esse, ubi animo nostro obversabuntur.

*Duo pun-
cta notatu-
digna.*

*Quomodo distractiones sint re-
jicienda.*

Ubi primum ergò quis distractum se esse animadverterit, subito ad se redeat, humiliter à Deo veniam petat, cœptamq; orationem necesse est prosequatur meliori, quam ante, resolutione absque eo quod multum consideret, unde nam diversæ cogitationes istæ nasci potuerint: multò enim satius est citius eas relinquere, absque aliquo conflictu & cor fortiter atque affectuosè ad Deum convertere. Corde enim ad officium suum restituto, ac voluntate novo desiderio vacandi propositæ orationi instructâ, cæteræ potentiaz facillimè reducen-

reducentur; cùm enim evidentissimum sit,
cogitationes nostras ordinariè nasci ex affe-
ctibus, mox ubi hi ad Deum reversi fuerint,
illicò illæ sequentur.

Quod si verò difficulter quis possit distra-
ctionem relinquere, eo quod cum aliqua volu-
ptate illi immoretur, ille generosè semetipsum
superare debet, cogitando: 1. se esse coram
Deo & loqui divinæ Majestati. 2. magnum
esse contemptum, relinquere ipsum ob nugas
& quisquiliis tractandas. 3. si ille tantæ est
erga nos bonitatis, ut ne ad momentum qui-
dem divinos oculos suos à nobis avertat: æ-
quissimum sanè esse, ut nostros quoque ab ipso
minimè avertamus, saltem pro illa hora, quâ
ipsum oramus. Actus istâ ratione formari
poterunt.

Praxis.

1. **Q**uonam feror, mi Deus? anima mea
ubi sumus? Attende nos esse coram
Deo, coram quo Angeli præ reverentia contre-
miscent, & tu illum contemnis?

2. Coram quo & cum quo loquimur? ubi
est honor, reverentia ac sensus Majestatis Dei,
quæ hic præsens est?

3. Vellesne facere, non dico Regi, sed ho-
mini mediocris conditionis, quod fecisti Deo
tuo? Qualis foret irreverentia, illum relin-
quere &, interrupto sermone cæpto, ad servos
ipsius fortè præsentes se convertere, cumque
iis aliis de rebus longè diversis sermones mi-
scere?

4. Quid

*De
atime*